



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-350/10
Sarajevo, 11.3.2010. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		12-03-2010	
Organizaciona jedinica	Klasifikaciona oznaka	Redni broj	Broj prijema
01-10-1-15-70/10			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 116. sjednici održanoj 9.3.2010. godine, utvrdilo je Odgovor na zastupnička pitanja koja je postavio gosp. Martin Raguž, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK <
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-35 D/10
Sarajevo, 9.3.2010. godine

Martin Raguž, zastupnik u Zastupničkom domu Parlamentarne
Skupštine Bosne i Hercegovine, na 70. sjednici Zastupničkog doma održanaj
21.01.2010. godine, postavio je sljedeće zastupničko pitanje:

1. "Šta je učinjeno na realizaciji zaključaka Predstavničkog doma PSBiH usvojenih 09.07.2009. godine vezanih za poplave u Popovom polju, rijeci Krupi, Hutovom Blatu, te da li su kakve učinke postigli?"
2. "Kako teče realizacija projekta upravljanja Neretvom i Trebišnjicom (projekat finansiran sredstvima Svjetske banke u iznosu od 8 miliona dolara (od toga 6 miliona dolara za BiH a 2 miliona dolara za Hrvatsku) – projekat za učinkovitu i nepristrasnu raspodjelu vode među korisnicima u bazenu Neretve i Trebišnjice?"

Na postavljeno pitanje, Vijeće ministara Bosne i Hercegovine je na 116. sjednici
održanoj 9. 3. 2010. godine, utvrdilo sljedeći

1. **Poslaničko pitanje:** "Šta je učinjeno na realizaciji zaključaka Predstavničkog doma PSBiH usvojenih 09.07.2009. godine vezanih za poplave u Popovom polju, rijeci Krupi, Hutovom Blatu, te da li su kakve učinke postigli?"

ODGOVOR:

Savjet ministara BiH, na 95. Sjednici održanoj 23.07.2009. godine, upoznao se sa zaključcima donesenim na 57. Sjednici Predstavničkog doma Parlamentarne skupštine BiH te s tim u vezi zaključio da se za realizaciju zaključaka donesenih povodom razmatranja Informacije o poplavama u Popovom polju, na rijeci Krupi i području Hutovog blata, koji se odnose na obaveze Vijeća ministara, zadužuje Ministarstvo spoljne trgovine i ekonomskih odnosa BiH.

U cilju realizacije Zaključaka Predstavničkog doma Parlamentarne skupštine BiH vezanih za poplave u Popovom polju, na rijeci Krupi i području Hutovog blata, Ministarstvo spoljne trgovine i ekonomskih odnosa BiH (MVTEO) je poduzelo niz aktivnosti kako bi se pristupilo realizaciji pomenutih Zaključaka.

ZAKLJUČAK 1.

„Zadužuje se MVTEO da do kraja 2009. godine u saradnji sa nadležnim entitetskim ministarstvima za vode i agencijama za vode te Elektroprivredom RS, odnosno HE Trebišnjica, Elektroprivredom HZHB i PHE Čapljina, definišu, uspostave i intenziviraju postojeće nadgledanje i stalnu razmjenu podataka relevantnih za rad postojećih objekata sistema (vodostaji, protoci isl.) po vrstama i rokovima.“

U cilju realizacije Zaključka 1. održano je niz sastanaka sa predstavnicima nadležnih entitetskih institucija i ostvareni su slijedeći rezultati:

Ukazano je na neophodnost izmjene člana 129. Zakona o vodama RS čime će se stvoriti se uslovi za bolju saradnju nadležnih ministarstava za vode.

Na sjednici Narodne skupštine Republike Srpske 24.09.2009. godine je usvojen Zakon o izmjenama i dopunama Zakona o vodama kojim je izmijenjen član 129. u skladu sa ranije datim preporukama za izmjenu sadržaja tog člana Zakona.

Dogovoreno da se u cilju realizacije Zaključka 1. Formira Komisija čiji će članovi biti predstavnici entitetskih ministarstava za vode, agencija za vode, Elektroprivreda RS Trebinje, Elektroprivreda HZHB PHE Čapljine i MVTEO a čiji će zadatak biti definisanje načina nadgledanja i stalne razmjene podataka relevantnih za rad postojećih objekata sistema (vodostaji, protoci isl.) po vrstama i rokovima.

Komisiju za realizaciju Zaključka 1. čine predstavnici iz slijedećih institucija: Emil Bakula – Agencija za vodno područje Jadranskog mora, Sanja Jelavić – J.P.EP HZHB Mostar, Suad Skejović – Federalno ministarstvo poljoprivrede, vodoprivrede i šumarstva, Nenad Đukić – Ministarstvo poljoprivrede, šumarstva i vodoprivrede RS, Blagota Marković - Hidroelektrane na Trebišnjici, Nebojša Nikolić – Agencija za vode oblasnog riječnog sliva Save, Bijeljina, Enes Šeperović - Ministarstvo vanjske trgovine i ekonomskih odnosa BiH-Odsjek za vodne resurse i turizam, Mubera Bičakčić –

Ministarstvo vanjske trgovine i ekonomskih odnosa BiH - Odsjek za primarnu energiju i politiku.

Ministarstvo vanjske trgovine i ekonomskih odnosa BiH (MVTEO) je dana **29.10.2009.** godine organizovalo sastanak na kome su prisustvovali članovi novoformirane Komisije i na kome je usvojen način realizacije Zaključka 1. kako slijedi:

- Da se neophodna razmjena podataka od interesa za elektroprivrede uz saglasnost nadležnih ministarstava odvija na nivou elektroprivreda i hidroelektrana, kao i da iste u što kraćem roku dogovore sistemski način rješavanja razmjene podataka.
- Da se neophodna razmjena podataka od interesa za vodoprivredu odvija putem Agencija za vode uz saglasnost nadležnih ministarstava, i da iste u što kraćem roku dogovore sistemski način rješavanja razmjene podataka.
- Dogovoreno je da slijedeći sastanak bude održan u drugoj polovini decembra 2009. godine na kome će se prezentirati preduzete aktivnosti o navedenim načinima realizacije zaključka 1., a koji će organizovati Ministarstvo vanjske trgovine i ekonomskih odnosa BiH.

U cilju realizacije Zaključka 1. o formiranju Komisije za definisanje načina nadgledanja i stalne razmjene podataka relevantnih za rad postojećih objekata sistema (vodostaji, protoci isl.) po vrstama i rokovima, Ministarstvo vanjske trgovine i ekonomskih odnosa BiH (MVTEO) je dana **23.12.2009.** godine organizovalo sastanak na kome je dat prijedlog za njegovu realizaciju.

Dostavljeni su spiskovi hidroloških stanica i parametara koji su interesantni određenim institucijama. (nedostaje spisak hidroloških stanica koje su interesantne za HE na Trebišnjici koje će naknadno dostaviti).

Prijedlozi za realizaciju zaključka 1.

1. Dogovoreno je da period razmjene podataka bude svakih šest mjeseci (januar i juli) i prema potrebi tj. zavisno od hitnosti.
 2. Potrebno je izvršiti imenovanje osobe odgovorne za dostavljanje podataka
 3. Dostava podataka će obavljati elektronskim putem ili na CD-u, u Exelu ili Ascii-ju,
 4. Zadužuju se ispred Komisije g. Emil Bakula i g. Nebojša Nikolić da izrade **prijedlog Protokola o razmjeni podataka do 30. aprila 2010. godine.**
- Prisutni članovi komisije su se dogovorili da polovinom marta održe sastanak na kome bi dali primjedbe i sugestije na prijedlog Protokola.

U cilju realizacije Zaključka 2. PD PS BIH koji glasi:

ZAKLJUČAK 2.

Zadužuje se VM BiH da koordinira aktivnosti koje će poduzeti nadležna entitetska ministarstva na uspostavi stalne saradnje između agencija koje upravljaju vodnim sistemima, a posebno u razdobljima visokih vodostaja na području riječnih slivova u BiH.

Dogovoreno je da na zahtijev entitetskih ministarstava nadležnih za vode, agencija za vode, enektroprivrednih preduzeća, MVTEO koordinira aktivnosti ka iznalaženju rješenja za eventualne probleme iz oblasti vodoprivrede.

U cilju realizacije Zaključka 2. u Protokolu o razmjeni podataka (predviđenog u realizaciji Zaključka 1.) biće definisan način stalne saradnje između agencija koje upravljaju vodnim sistemima.

ZAKLJUČAK 5:

Zadužuje se VM BiH da obaveže MVTEO BiH da u saradnji sa nadležnim entitetskim ministarstvima predlože program mjera za upravljanje vodnim sistemom za duži period. Potrebno je s privrednim subjektima iz tačke 4. Pronaći najbolja rješenja i modalitete budućih aktivnosti hidroelektrana za ublažavanje eventualnih poplava uz što manje posljedice po stanovništvo na navedenim i drugim područjima podložnim vremenskim nepogodama.

Čestu pojavu poplava moguće je smanjiti samo dogradnjom sistema HE-a na Trebišnjici, odnosno izgradnjom novih akumulacija za transformaciju plavnih valova i izgradnjom novih elektrana.

Realizacijom Zaključka 1. Biće realizovan određeni elementi koji se odnose na aktivnosti iz Zaključka 5.

2. Poslaničko pitanje: "Kako teče realizacija projekta upravljanja Neretvom i Trebišnjicom (projekat finansiran sredstvima Svjetske banke u iznosu od 8 miliona dolara (od toga 6 miliona dolara za BiH a 2 miliona dolara za Hrvatsku) – projekat za učinkovitu i nepristrasnu raspodjelu vode među korisnicima u bazenu Neretve i Trebišnjice?"

ODGOVOR:

INFORMACIJA O PROJEKTU UPRAVLJANJA NERETVOM I TREBIŠNJICOM

U Zagrebu je 9. Septembra 2008. godine su BiH i Hrvatska potpisale Sporazum o darodavnicima (grant kredit) sa Svjetskom bankom za Projekat upravljanja Neretvom i Trebišnjicom ukupne vrijednosti osam (8) miliona USD i to za Bosnu i Hercegovinu 6 miliona USD te za Republiku Hrvatsku 2 miliona USD. Projekat će pomoći dvjema državama da ostvare efikasnu i nepristrasnu raspodjelu vode među korisnicima u bazenu Neretve i Trebišnjice na prekograničnom nivou.

Ukupna vrijednost projekta je \$ 20 mill. sredstva za realizaciju projekta, pored \$ 8 mill koji predstavlja grant WB, ostala sredstva će obezbijediti dvije države sa različitih nivoa vlasti (u BiH su to entiteti, opštine).

Projekat će se implementirati preko četiri jedinice za implementaciju projekta, jedna u Hrvatskoj – u sklopu agencije Hrvatske vode i tri jedinice u Bosni i Hercegovini: Jedinica za upravljanje projektom koja se nalazi u Ministarstvu spoljne trgovine i ekonomskih odnosa i dvije entitetske jedinice u sklopu Agencije za vodno područje Jadransko more Mostar i Agencija za vodno područje oblasnog sliva Save.

Nakon što je Ugovor o grantu postao efektivan 06.03.2009. godine odmah su pokrenute aktivnosti na implementaciji Projekta: Imenovani su svi članovi Timova za

implementaciju, Imenovani su članovi Koordinacionog komiteta predviđenih Memorandumom o razumjevanju, Napravljan je Plan aktivnosti do kraja 2010. Godine, Otvorena su sva tri specijalna računa u BiH i povučeno 1.040.000,00 USD po sva tri računa, Odobren je Plan nabavke i započete su procedure nabavki po planiranoj dinamici,

PMT – Ministarstvo spoljne trgovine i ekonomskih odnosa: Do 18. februara 2010. godine potpisana su tri ugovora u okviru Komponente I: Ugovor za nabavku opreme za potrebe PIT-a FBiH – ugovor realizovan; Ugovor za nabavku kancelarijskog namještaja za potrebe Agencije za vode RS u Trebinju– ugovor realizovan; Ugovor za nabavku informatičke opreme za potrebe Agencije za vode RS u Trebinju. Pored navedenih aktivnosti, u okviru Komponente I u toku su sljedeće aktivnosti:

- U toku je procedura provođenja nabavki za najveću stavku u Kompeneti I - Konsultanska studija: Upravljanje riječnim bazenom Neretve i Trebišnjice u vrijednosti od 1,500.000 US\$ – nakon evaluacije prikupljenih izraza interesa i formiranja kratke liste od šest konsultanskih firmi, u toku je pozivanje istih da dostave svoje tehničke i finansijske ponude- očekuje se da će ugovor biti potpisan u maju.

PIT Federacije BiH:

Federalno ministarstvo poljoprivrede, vodoprivrede i šumarstva je otvorilo transakcijski račun, Dobijene su saglasnosti opština Konjic i Ljubuški da će sufinansirati svoje podprojekte u iznosu 50%, tj. 850.000 USD, odnosno 400.000USD. U okviru komponente II -“Poboljšano upravljanje i korištenje močvarnih ekosustava”u fazi izrade je projektni zadatak za nabavku konsultantskih usluga za 2.1.a) “ Monitoring i popis biodiverziteta za park prirode Hutovo Blato”, i pripremljena je tehnička dokumentacija za 2.1.b) Unapređenje korištenja močvarnih područja u turizmu. U okviru komponente III - „Visoko prioritetne investicije u zaštiti od onečišćenja voda“ započete su sljedeće aktivnosti: Za 3.1.b) “Sustav pročišćavanja otpadnih voda općine Konjic”: Izrada Glavnog projekta kanalizacionih kolektora Konjica je u završnoj fazi, revizija je u toku. Idejno rješenje za uređaj za tretman otpadnih voda je završeno. Za 3.1.c) “Sustav pročišćavanja otpadnih voda općine Ljubuški”:Započela je procedura odabira konsultanata za izradu Glavnog projekta rekonstrukcije i proširenja postojećeg uređaja za tretman otpadnih voda Općine Ljubuški.

PIT RS :

U okviru Komponente III poduzete su sljedeće aktivnosti: Podkomponenta 3.1. Izgradnja postrojenja za prečišćavanje upotrebljenih voda od stanovništva i industrije urbanog područja grada Bileće izvršena je priprema kompletne tenderske dokumentacije (opšti i tehnički dio tendera) te isti poslat na saglasnot Svjetskoj Banci - očekuje se i njegova objava.